

DISSERTATIO MEDICA INAUGURALIS
DE

**METHODO, MA-
LIGNAS FEBRES SE-
CUNDUM RATIONEM ET EX-
PERIMENTIAM RECTE
TRACTANDI,**

Quam

FAVENTE DEO OPTIMO MAXIMO
RECTORE MAGNIFICENTISSIMO,
SERENISSIMO PRINCIPE AC DOMINO,

DN. PHILIPPO WILHELMO,
PRINCIPE BORUSSIÆ, MARCHIONE BRAN-
DENBURGICO, CETERA,

GRATIOSISSIMÆ FACULTATIS MEDICÆ CONSENSU,
IN ACADEMIA FRIDERICIANA
SUB PRÆSIDIO

DN. GEORGII ERNESTI STAHL,
MED. D. ET PROFESS. PUBL. ORDINAR.
h. t. FACULT. DECANI,

DN. PATRONI AC PRÆCEPTORIS SUI OMNI OBSERVANTIÆ
CULTU PROSEQUENDI,

PRO LICENTIA

Summos in ARTE MEDICA Honores, Jura & Privilegia
DOCTORALIA rite ac legitime capeßendi,

d. *Fun. A. MDCCVIII. horis ante & pomeridianis*

IN AUDITORIO MAJORI

Publicæ Eruditorum Disquisitioni sistet

GODOFREDUS HENRICUS ULAU, LIPS.

HALÆ MAGDEB. LITERIS CHR. HENCKELII, ACAD. TYP.

DISSEMINATION OF MEDICAL KNOWLEDGE

BY

METHUEN, MA.

1892 FEB 22

RECEIVED

LIBRARY

THOMAS

1892

RECEIVED

LIBRARY

RECEIVED

LIBRARY

RECEIVED

LIBRARY

RECEIVED

LIBRARY

RECEIVED

LIBRARY

RECEIVED

LIBRARY

RECEIVED



PROOEMIUM.



Quid pulcherrime Seneca,
Opinionum commenta, ait, *delet*
dies, *Naturæ judicia confirmat*;
 illud, quamlibet falsum ha-
 beri nequaquam mereatur,
 dolendum tamen propemo-
 dum est, quod tam rarum,
 aut veriùs fortasse loquendo, tam tardum vul-
 gò, effectum habeat. Enim vero sciunt sine
 dubio, quicunque honestè vivendi rationem
 cordi habere, & invigilare vitæ suæ progressi-
 bus, satagunt, quanti momenti sit *Expectare*.
 Certè, postquam in negotiis maximi momenti,
moralibus, imò ad ipsam divinam justitiam perti-
 nentibus, *retributio in tempore suo, ut labatur pes*
impiorum (zu seiner Zeit soll ihr Fuß gleiten /)
 postulat horas suas atque moras: in *civilibus* au-
 tem etiam, nedum *naturalibus*, nusquam præceptis

importunitas, quidquam solidi & perfecti absolvit, sed passim verè *ordinatis* atque *circumspectis* opus est gressibus, ut ad optatum scopum pertingere detur. Jam, si his etiam rerum in se spectatarum necessariis successibus, adhuc ad latus ponatur, hominum, quoad illi concurrere aut intercedere possunt, solennius familiaris indoles; infausta illa *inconstantiae* atque *varietatis* intemperantiâ meritò infamis: non potest mirum esse, imò ne dubium quidem, quamobrem *opinionum illa commenta*, tam tardè deleantur, *Naturæ* autem *judicia* confirmentur. Divinum est testimonium, certe ad omnem à DEO productam atque constitutam veritatem jugiter spectans, quod mortales magis ament *enebras* quam *lucem*: cui si demum accedat, quod utique sacrum elogium statim jungit: quod *opera* ipsorum *mala* sint: simulque *superbia* illa perditæ pertinaciæ mortalium, quod omninò facit, jus suum tueri laboret: tantum abest ut *error veritati* de via decedere sustineat, ut potius, non tam, quod ajunt, pro aris atque focis, sed utique pro se ipso, omnia experiatur, ut omninò primarii sui magistri regulæ se accommodet & obsequatur: Cuncta quæ habet homo dabit pro anima sua.

sua. Interim, sicut ipsa *Veritas*, ut omnis reliqua, & quatenus talis, ita etiam *naturalis*, omnino à DEO est; *insita*, imo *indita* rerum tam *materiae*, quam *ordini*, *energiae*, & usui seu *destinationi*; & hoc ipso quidem respectu etiam nunquam verè tota amittitur aut deficit: maximè vero utique in *agnitione* debita, ab hominibus ita negligitur aut pervertitur, ut tanquam amissa aut certè abdita, à variarum liberè grassantium & luxuriantium *phantasiarum* nebulis obscuretur: Ita fovet tamen suam creaturam divina benignitas, & constantissimè, & efficacissimè, ut nunquam penitus obrui illam sinat, quin variis, & certe passim potentibus signis, tanquam luculentis fulgoribus illam illustrem & conspicuam reddat. Longum esset, & nimium quàm foecundi proventus, negotium, si ad hanc considerationem revocare vellemus plurima illa specimina, in quibus illa conspicua sui documenta exhibet; Placet potius vel unum, sed tamen satis luculentum exemplum intueri, quod non magis ipsa facti veritate conspicuum, quam maximi momenti & iustæ æstimationis dignitate, prorsus insigne haberi mereatur. Erit hoc nostræ, Medicæ considerationis, quoddam subiectum, in quo dilucesce-

re, & velut ob ipsos oculos, cum judicio perspicaces, fisti possit quadruplex reale Theorema, Thesin Veritatis divinæ, ipsi oeconomiae corporis vitali insitæ: & Antithesin, falsitatis & erroris, extravagantis speculationis humanæ, pulchrè exhibens. Loquor de *vera atque sana Methodo*, *maligna miasmata febrili expurgationi idonea, salutariter superandi atque depellendi*: Et contrà *fera atque vana Amethodia*, his iisdem objectis temere & inconsiderate opposita. Cum autem Divina potentia, in sanctis suis functionibus nunquam temerè contemnatur impunè; nedum ut contrà ipsam insurgere, sine gravissimo periculo liberum esse posset, sed vere omnino deprehendatur dicendum hoc esse adversus stimulum calcitrare, & certo sibi ipsi malum quærere & accerlere: Adeoque ingens profectò operæ pretium haberi mereatur, si, quantum usquam fieri potest, tam illa Veritas quæratur atque eruatur: quam hi errores extricentur atque repudientur: Placuit propterea, cum specimen aliquod publicum meæ de arte nostra scientiæ edere mihi incumbat, hoc ipsum Thema, quantum fieri potest, succinctè, & tamen quantum sufficit condignè, pertractare: Nempe METHODUM MALIGNAS

FEBRES SECUNDUM RATIONEM ET EXPERIENTIAM RECTE TRACTANDI, demonstratam exhibere.

DEUM autem Conditorem & Conservatorem omnis Veritatis, seriò oro atque imploro, velit benedictionem suam mihi largiri uberrimam, ut negotium tam serium, & certe etiam proximi usui tantopere commodum, imò necessarium, ita & assequar & exsequar, ut vel hinc etiam ineffabilis ejus sapientiæ, potentiæ, atque benignitatis aliquod testimonium, & usui generis humani verum emolumentum, resultet.

Th. I.

METHODUM MALIGNAS FEBRES, SECUNDUM RATIONEM ET EXPERIENTIAM RECTE TRACTANDI, demonstratam dare dum aggredior, habeo utique plura, quæ omnia quidem recte *distinguere*, singula vero decenter *dividere*, conveniat, ut ita toti negotio, quantum licet, & uti decet, satisfiat. Hunc in finem, nullum quidem negotium nobis facessere poterit *Methodi* significatio; utpote quæ nullum ambiguum sensum nec involvit, nec ferè admittit: dum quilibet facile intelligit, quid sit *recta* quadam quasi *via*, *semita*, *ordine*, *progressibus* atque *successibus*, procedere & aliquid agere: Quàm nempè rem, nemine contradicente, *Methodi* vox con-

constanter denotat, *ordinatum* inquam, atque planè *proportionatum* incesum & progressum, ad certum aliquem *scopum* obtinendum, & vere *inservientem*, rationali *proportione*: & vere etiam *pervenientem*, certa atque notà *experientiâ*.

II.

Quam parum autem difficultatis hæc appellatio involvit, tam multum ex adverso complectitur MALIGNITATIS appellatio. Cum autem intentio nostra utique neque ferat neque permittat, ut prolixitati operam ullam addicamus, sed sufficere nobis potius possit, *positive* mentem nostram explicare; asserimus proinde, quod per *malignarum febrium* appellationem, illas in primis intellectas velimus, quæ omni modo è *propria sua indole*, adeoque etiam *perpetuo & constanter*, Malignitatis participes sunt: Non illas, quæ quovis modo, & reverà magis *per accidens*, malos ejusmodi mores adsciscunt; à quibus deinde, præter *proprios* suos veros mores, hanc appellationem incurrrant & promereantur. Hujusmodi verò sunt quælibet *acutæ contagiosæ*, *Hali-tuoso* miasmate ab uno corpore in aliud communicatæ. Ubi, quælibet etiam febres cum *inflammationibus viscerum* conjunctæ, non immeritò à peritis, *malorum morum* nota afficiantur; cum tamen verum fundamentum illius *malignitatis*, non solum verius, sed plane etiam, uti vulgo loquimur, crassius, positum sit in *Inflammationum qua talium* intractabili, & tamen summe periculosâ, indole, cujus vel ullo modo expugnandæ, ipsa febris compos fieri non valeat, quin istæ, *ex & per se*, in funestum illum exitum ruant, tam sine ulla *culpa*, quam ulla *potestate*

State ipsius *Febris*, (bono quidem scopo susceptæ, sed nullo effectu potentis,) Nolumus propterea talem abusivam acceptionem, vera propriæ ad latus ponere, aut illam hoc loco nostram facere. Unde iterum declaramus, quod de talibus præcipuè Febris hic loquamur, quæ utique etiam è directæ magis suæ, ut *Febrilis*, (ut *mobilis*, *secretioni* & *excretioni* sic satis obsequentis, modo *metbodo* iusta tractetur,) *materia*, aliqua OCCASIONE; maximè verò Febrilis MOTUS atque regiminis ipsius culpâ, & verè perverso *more*, hoc opprobrium merentur. Adeò, ut cum in altero illo genere, culpa magis sit in illa insuperabili malitia *materia*; quæ etiam quantumcunque denique bonis atque idoneis *motibus* non pareat: hæc vera *morum malignitas*, directè potius in *motuum* perverso ordine atque successu posita sit: adeoque sinceræ *morum malitiæ* imputari debeat.

III.

Huic tali, ad hujusmodi *malos mores* proclivi febrī, dicamus *rectam* atque iustam *Metbodum*, qua hæc *malignitas*, hi inquam *mali* ejus *mores*, antè omnia *præoccupari*, sed & *in viam* iterum reduci, debeant atque possint. Hanc asseveramus debere quadrare, tum sanæ *Rationi*, à priori; tum *Experientia*, à posteriori: illi conspicuæ & evidenti; huic *certa*, *firma*, atque *constanti*. Ita quidem *Metbodi* hujus utilitatē, à *proportione* sanæ *rationi* consentiente, meritò arcessimus: *Veritatem* autem ejus, seu actualem verum *usum*, ipsius *Experientia* suffragio subjicimus.

IV.

Dum autem de *tractatione* secundum hanc talem *metbodum*, loquimur, minimè simpliciter intelligimus

B ipsam

ipsam *artificiosam*. Tantò minùs, cum hæc perpetuam illam *ambiguitatem* involvat atque foveat, ut in omnem partem, quantumcunque etiam non *diversam* solum, sed omnino *oppositam*, audacter allegentur exempla; quæ in dubium vocare, (quantumlibet in *rebus capitalibus*.) tamen *incivile* habetur: Reverà autem etiam ita nihil in solidum decerni potest, quando in simplicibus *contradictionibus* constituti, & quidem actu & simpliciter ad veritatem *facti* provocantes, à nemine æque possunt judicari, nisi rei simpliciter peritissimo. Necesse itaque omni modo est, sed & expedit, dum fieri potest, tantò magis omni modo, ut talia quàm maximè *experimenta* in hos usus allegentur, quæ & *omnium hominum* liberæ atque nihil præoccupatæ *observationi* exposita, & ab omni *præjudicio* satis remota, quasi pro se ipsis loqui, atque veritati testimonium illibatum perhibere, possint.

V.

Quod itaque dicimus, *methodum* hanc *malignas febres* rectè *tractandi*, debere respondere tam *Rationi*, quam *Experientia*; volumus utique hoc ipso illud ita intellectum, quod tanquam à priori, secundum vere rationalem considerationem totius *indolis* atque *constitutionis* talium febrium, curatio ejusmodi seu tractatio ita quadrare debeat, ut omnino etiam *intelligi* possit, quod talis tractatio vero *ordini* æque, atque universo *scopo*, & debito vero *effectui*, adeoque *salutari eventui* talium febrium, verè satisfacere possit. Sicut enim, quod *metodo*, *ordine* non solum aliquo, sed *justo* omnino, atque tam *materia* substratæ, quam *effectuum* designatorum *proportioni* respondente, geri atque administrari debet, utique secundum considerationem mutui *respectivi habitus* intelligi,

&

& secundum hunc intellectum *regi*, necesse est: ita certè in hoc etiam nostro negotio, *methodicam* illam tractationem, eadem ratione æstimare convenit, quod nempe idem inferat, atque cum *intellectu debito*, *justo ordine*, *successibus*, *proportione*, *subsidiis*, vere administrandam esse.

VI.

Quod autem porrò *Experientiam* concernit, quam tanquam *normam* methodi hujus, & verum veluti lapidem lydium ejusdem, pariter constituimus; nequaquam hujus nomine intellectam volumus illam, quæ simpliciter de *artis* effectibus atque præstationibus narrat. Cum enim hæc adeo summoperè discrepet, ut reverà sine ulla injuria dicere liceat, quod passim etiam simpliciter *contradictoriis* insistant (vel *dulcium Saccharatorum*, *acidorum*, & *salium volatilium urinosorum*, exemplis: quorum nihil est, quin ab aliquibus ut *utile*, *probum*, & *efficax*, laudetur & usurpetur: ab aliis è contra ut *inutile*, *periculosum*, imò *noxium*, incusetur, imò damnetur:) interim utrique æque tales, ac etiam alii, licet non ad similia *extrema*, tamen ad *diversa* & alia abeuntes, uno ore *Experientiam* testem citent: Quas ita pugnantes provocationes, cum inter se conciliare operosum, examinare atque reprobare odiosum: damnata aliorum assertione, suam propriam experientiam aliis veluti simpliciter sequendam injungere, damnatis propriis opinionibus non solum, sed etiam asseverationibus, invidiosum sit; Expediet itaque talem *experientiam* circumspicere, quæ omnibus tam *præjudiciis*, quam odiosis respectibus atque suspicionibus vacua, prætereà etiam adhuc ita *conspicua* sit & velut obvia, ut veri documenti dignitatem hoc ipso tanto

magistrueri possit, quod *evidens* sit, & non *facile* solum, sed etiam *ab omnibus*, comprehendendum.

VII.

Sanè vero ingens in hoc genere passim occurrit cor-
datae animadversioni, *historica* hujusmodi *evidentia*; quod
certe passim, ridiculis hujusmodi jactationibus *propria*
suae *auctoritatis*, *sagacitatis*, *solertiae* & *industriæ*, in confi-
gnandis variorum morborum simplicium historiis, ve-
rum genium & indolem illorum exhibentibus, non so-
lùm negligentur, talium eorundem documentorum lu-
culentorum tam quotidianæ, quam passim etiam im-
menso numero obviæ, & partim jam notissimæ, partim
ita ad considerandum promptissimæ, occurrunt: sed
vel plane, præcipue ex hujus rei neglectu, simul vero
theoreticarum peculiarium opinionum præjudiciis, talia
proferantur, & in verarum historiarum locum substi-
tuantur, quæ etiam à simplicium plebejorum, aut mini-
mum à Medicis rebus in solidum alienorum, inter ægros
autem versatorum, hominum, meliore notitia omnino
aliena existant.

VIII.

Jam, cum non solum aliæ *febres*, sed *maligna contagio-
sa* omnino eminenter, ita ad multorum hominum noti-
tiam perveniant, ut si solum moneantur, quarum cir-
cumstantiarum reminisci illos velis, facillimè illarum te-
stimonium perhibeant: tanto minus suspectum, aut, ut
sub hoc nomine, *ambiguum*, cum illis certe in mentem
non venire possit aut vulgo soleat, quem *respectum* ipsæ
tales circumstantiæ, nedum quæstiones de illis propositæ,
habere possint. Simul autem talium *testium* numerus
lon-

longè maximus haberi possit, quorum uniformis consensus, nemini sani cerebri, tanquam *collusionis* alicujus suspectus esse possit: Est certe propterea hæc talis, hujusmodi testimoniorum subsidiis suffulta atque firmata, *experientia*, dissonis illis provocationibus ad *propriam* observationem, in re penitus suapte natura *communi*, omnibus modis præferenda, eique, inprimis ut ab omnibus præjudiciorum diverticulis alienæ, longè securius atque certius innitendum.

IX.

Nequaquam autem prætermittenda est vera atq; realis illa distinctio, quâ in medicis rebus discernenda est *Ars* vere methodica, â simplici *Empiria*, etiam ipsa *verâ* atque *laudabili*. Cum enim utique dentur experimenta talia, vel etiam hic illic allegentur, tam pro aliis certis affectibus, quam pro ipsis etiam febribus: (exemplo illius, quod *Kergerus* tanquam infallibile allegat, expresse adjiciens, quod illius ope febres expugnet non solum *sine discrimine*, sive ut ipse loquitur, *sine distinctione*, adeoque ulla consideratione *speciei*; sed etiam quarumcunque *temporis* atque *progressus* ratione, &c. quod tam simpliciter *Empiricum*, quam eo ipso, de quo loquimur, ingenuè *ἀπὸ τοῦ οὐδὲν* est.) Nos itaque, cum de *Methodo* malignas febres tractandi loquamur, neque respicimus quorumcunque aliorum assertiones simpliciter *experimentales*; quomodo nempe peculiarium, & vere *singularium*, medicamentorum ope, febres *promiscue*, quin etiam *certain* solum seorsim, vere & in solidum *curare* calleant: imò verone quidē ullo modo de veritate assertionis illorum dubitare nunc quidem in animū inducimus: (optantes certè toti generi

humano, ut & *verissima* essent & planè *notissima*, quæ *Helmontius* de suo *Mercurio diaphoretico*, *Kergerus* de suo *Artificio*, *Mortonus* de *Cortice Peruviano*, *Apinus* de *Cortice* illo peculiari, de quo loquitur, prædicarunt:) Sed infistimus decenter, & recte atque ordine, nostro utique vero atque constanti proposito, de *methodica* Februm tractatione verba faciendi atque dispiciendi. Tantò magis utique, cum nondum satis detectis talibus illis, quæ etiam sine exquisitæ atque circumspectissimæ *methodi* præsidio, febribus talibus vere satisfacere possint, *methodus* quæ hoc facere valeat, certe sit *unum* illud *necessarium*, cui recte invigilare, eoque ad votum potiri, totum ita sit, quicquid in tam arduo negotio ullis votis assequi sit integrum.

X.

Tantò magis autem tenenda utique est vera hæc, non tam solum *distinctio*, quam rei ipsius *diversitas*, dum ipsa nostra præsentè tractatione, nequaquam simpliciter respicimus ad *purè artificiales*, *Medicas*, febrium harum tractationes; quales nempe per *experimenta* vel simpliciter absolvi, vel ad minimum quam maximè juvari & instrumentaliter perpetrari posse, videri queat: sed & quam maxime respectamus ad illas, quas sine *artis* adminiculis, *sua sponte* perpetrare valeat ipsa *Natura*; imò verò hoc ipsum ita actu ipso præstare soleat, ut plurimum intersit, hanc ejus *Methodum* omnino rectè cognitam habere: propter hoc ipsum, ut illam verè peritissime *administrare*, commodissime in *artis* usum adsciscere, imo illam potissimum arte *sublevare*, & ad optatum suum *scopum* rectissimè perducere, intelligamus.

X. Sicut

XI.

Sicut enim Natura, utique nudorum *experimento-
rum* in suo corpore nullam habet energiam aut potesta-
tem; cum omnia sua nudis *motuum proportionibus* atque
subordinationibus exsequi necesse habeat: ita est tamen
simul quam maximo opere etiam perpetuò notandum,
quod Ipsa utique huic suæ potestati, diligenter in effe-
ctum & usum deducendæ, ita constantissimè invigiler,
ut vix ulla evenire possit oeconomia corporis sui per-
turbatio, quin Ipsa istam mox in ordinem redigere
non solum *aggrediatur*, sed etiam pertinaciter *persequa-
tur*. Agat hoc autem omnino *metbodo*, partim qui-
dem, & generaliter, *materiali* rerum indoli quam op-
timè conveniente: specialius autem, singularem quan-
dam operationis strictissimam *commensurationem* com-
plectente.

XII.

Nisi itaque vero & simplicissimo & potentissimo
experimento, simpliciter verè *artificioso*, *extrinsecus* sub-
ministrando, perturbationes illæ tales revera simpli-
citer ita sedari, & universa illarum energia simpliciter
corrigi, aut prorsus aboleri possit, frustra certè tue-
rit, illam *methodum*, quam *Natura* ipsa observat, ne-
gligere, nedum illi insigne aliquod *impedimentum* atq;
remoram objicere. Ubi certè, si illa spes non verè
rata esse possit, ut nudis *experimentis*, omnis causa ul-
terioris *operationis* laboriosæ expugnatoriae, auferatur;
sed opus adhuc maneat *methodica* potius aliqua tali re-
sistendi dexteriate: Relinquimus quidem aliis, quid sen-
tire velint de adhuc *commodioribus* quibuscunque me-
tho-

thodis, ipsa forsan *arte aliter*, quam Naturæ insitum est, instruendis: Nos autem pro certo utique habemus, ejusq; rei ad minimum etiam *rationem* testem mox sistemus, quod *verior*, *commedior*, & omni modo *securior methodus*, universim inveniri plane nulla possit, quam ipsa illa quam Natura insitam sibi sequitur: imo non dissimulamus etiam, dubitare nos, quod *arte* maximoperè solùm etiam *facilitari* atque *sublevari* possit, exceptis nudis *consiliis* seu *regiminibus* potius, quam realibus quibuscunque *materiis* seu experimentis.

XIII.

Ut itaque, præmissis hac ratione veris acceptionibus illarum rerum, de quibus sermonem habere instituimus, negotium ipsum aggrediamur, sistemus primò omnium loco, *Historiam*, tam *Febrium* harum, quatenus *methodi* nominatæ obsequuntur atque quadrant, quam *methodi* illius ipsius, quæ ipsis ita satisfacit, & pariter quadrat: & indicabimus dehinc etiam, tanquam *historicè* pariter, *Experientiam* illam, quæ de *historica* fide veræ efficaciam hujus *methodi* ad hos effectus, testimonium irreprehensibile ferre possit: & tunc demum deducendis etiam argumentis *Rationis* operam navabimus; & quidem tam *positive*, quomodo talis *methodus* talem effectum rectissime assequatur; quam *negative*, quomodo alii quidam modi atque *methodi* simili scopo quadrare non possint.

XIV.

Quod itaque *Historiam* harum rerum veram concernit, habent febres hæ *malignæ*, tota inquam sui & *materia* tales, & ad *mores* indomitos aptæ, quinimo proclives, *contagiosæ* ante omnia, hanc præcipuam evid-

dentem conditionem, quod *materia*, quæ ipsas suscitatur
atque fovet, sit *longè tenuissima*; utique invisibilis *balitus*
consistentia, de corpore in corpus transferenda.
Porro etiam, quod *pauca* esse possit mole, vel *rabie icannina*;
morſu etiam exiguo, exemplo: tandem autem *activitatis* maximæ & verè
velocis: dum certè omnes morbi *contagiosi*, *febriles acuti*, veram suam *αὐμὴν*
ultrà *primum septenarium* nunquam, aliquot etiam talium
ne quidem ultra *quaternarium*, extendunt, quin, non
elisa sub talis temporis spatio, potissima ad minimum
materiali sui causa, infelicitè omninò, aut certe summe
ambiguè atque periculose, cedant.

XV.

Observatur autem hujusmodi Febrium, si decen-
ti *metodo* non obsequantur, illa potissimum energia,
ut patientes vel subtilissimis *inflammationibus internis*
corripiantur; simul acerrimis ad præcipites *corruptiones*
sphacelosas: vel post ipsam mortem, ita potente atque
præsente *putredine*, totam massam humorum corripi-
at, ut nulla *spontanea*, & ex propria sui textura humo-
ribus competens putrefactio illi comparari possit: sed
verè *fermentativam* indolem ita exhibeat, ut *miasma*
illud *contagiosum*, veram talem energiam *fermenti*, ad
præsentiſſimè exacuandam *putredinem*, habere, hinc
intelligi possit. Id quod de *Peste* præcipuè notum est;
quâ quidem emortuos, præsertim pro tempestatis ra-
tione, ne quidem totos in te pescere, passim memorant,
quin concepta spumida *putrescendi fermentativa* vehe-
mentia, mox *turgescant*, *lineſcant*, *nigrescant*, *molles-*
cant,

cant, imò in tabum diffuant. Sicut etiam ejus rei, magnæ inquam energiæ *corruptivæ* (quomodocunque tandem *corruptio* illa explicetur,) conspicua est abundantissimè efficacia in *Variolis*; Quarum per frequenter quam maxima quantitatis, in uno eodemque corpore efflorescens, irrequietis augmentis atque succellibus, ita *inflationem*, *coloris* alterationem, in *pūs* mutationem, intra tres, quatuor, dies: aut si hæc minime succedant, in primis autem copiosius egressæ citò iterum retrocedant, adhuc intra brevius tempus *mortem*, post se trahant.

XVI.

Alterum quod in Februm talium *historia* observare licet, est illud, quod non solum pleræque, sed tam usitatissimæ, quàm fere vehementissimæ illarum, insignes quasdam *ejectiones* ad ambitum corporis, seu ipsas partes circa summam *superficiem*, una involvant: Reliquæ etiam quæ nihil æque hujus faciunt, tamen *ventilationes* sui per corporis *superficiem*, adeò efficaces habeant, ut non solum à decente illarum *successu*, manifestissimum summum *usum* reportare sentiantur: sed hujus etiam dignitas atque magnitudo tanto magis æstimari possit à summo *damno*, etiam communiter irreparabili, quod ab hujus exonerationis conspicua *cohibitione* his obtingit.

XVII.

Tertium, quod pariter ad historiam ipsam *metbodi* decursus hujus attinet, est utique primarium illud phænomenon, quod hæc tales Febres brevi *temporis ambitu* absolvantur; ut jam ante dictum: secundarium autem, ordine quidem, licet nequaquam pariter tota dignitate, sed potius hoc intuitu adhuc majoris considerationis, quod

quod *breve* etiam hoc tempus, in longe breviores *opportunitates* velut inclusum, iisque *limitatum* sit, imò verò verè *circumscriptum* atque determinatum: Nempe *dimidio & integro dierum septenario*, *quarti* inquam quasi *medietate*, sed incipiente statim; & pariter etiam *septimo*.

XIIX.

Intra hos itaque dies fit Febrilis *fomitis*, primo *excretio*, ut ita vel è *toto* corpore, vel ad minimum è partibus *nobilioribus*, illa expellatur. Secundo, ut hoc fiat vel PER ipsum *extremum* totius corporis emunctorium, ipsam corporis usque *superficiem*; vel ad minimum AD hoc ipsum usque, & *intra* illud ipsum, aut sane partes non ipsi solum *confines*, sed & pariter omnino è reliquo universo *systemate* veluti *remotissimas*, ante omnia vero utiq; à *tenerrimis* atque *nobilissimis*, *visceribus*. Hoc ipsum autem, tertio, peragit utiq; ejusmodi *moderatis commotionibus humorum*, quales *subtilibus transpiratoriis* tam *evacuationibus*, quam ad easdem *deductionibus*, s. *directionibus* satisfacere possint. Unde, quartò, hæ febres non solum *calore*, & qualibuscunque *alternantium exacerbationum* commotionibus, sinceræ atque sibi recte constantes, sunt quam *mitissima*; sed etiam architecto harum circumstantiarum primario, *pulsu*, *lenissima*. Nec etiam quinto usque quoque inclinant ad alias, sive *commotiones*, sive *evacuaciones*, *fortiores* & quoquo modo *vehementes*: Imò verò, sexto, non *ferunt* planè eosdem, quantumlibet, *septimo*, etiam *ad eadem loca* ducentes: nedum, octavo, *ad alia*: imò prorsus *aliena*. Interim etiam nono, *ces-*

sationem quoque nimiam, nihilò melius, seu potius nihilò minùs ægerrimè, tolerant.

XIX.

Ut jam Methodi hujus non solum convenientiam cum *Ratione*, sed veram ejus foundationem in illa, seu necessitatem secundùm illam, ob oculos ponamus, quod primum concernit, nempe ipsam *excernendi intentionem*, atque totam eo tendentem omnium *actionum destinationem*; nihil certè usquam simpliciùs consonum est *rectæ rationi*, quam ut illud, quod œconomix vitali periculum minatur, imò objicit, è toto corpore exterminetur, & toto loco ab illo absit. Sicut enim longe simplicioris est operæ, rem molestam aut noxiam plane simul & semel exegisse; quam eandem relinquere intra corpus, & demum vel *activitati* ejus ad nocendum, vel ipsis malis *effectibus* demum, obsistere, succurrere, aut utrumvis horum ad bonam frugem, reducere: Ita est hoc certe omnirationi tantò exquisitius consentaneum, in tali constitutione, ubi non solum *materiæ activitas* sit eximia, genus vero etiam *damni* penitissimum, & irreparabile: sed etiam re ipsa *corrigendi* atque *subigendi* simpliciter nulla potestas. Id quod de *Natura*, seu *regiminis œconomix animalis*, sibi *relictæ*, propria potestate ac habilitate, absolute tutique omnino certum atque verum est; Quod, inquam, illa, talem *materiam*, directè atque simpliciter *corrigendo*, simpliciter & absolute nihil possit: sed unice *movendo*, *emovendo*, *excernendo*. Certissimè vero etiam in solennibus illis *malignarum* febrium speciebus, *artibus* prætextus atque vulgò jactatæ medicamentorum potestates, directè atque simpliciter *correctoria*, nisi impru-

den-

dentes audire consentiant, solidissime impudentes censerī necesse habeant. Unde utique tam Natura, quam Ars, recte & ordine secundum sanæ *rationis* cynosuram procedere, judicari debent, quando potius directè totum *damnum, causamque* ejus atque *potentiam* effectus, penitus *exterminatam* corpore volunt; quam circa ipsam *deum tentare*, & perierga exercere: tanto magis, cum *Naturæ* ipsi horum nulla plane potestas relicta sit.

XX.

Neque verò minus luculenter consentit veræ *rationi* rectæ, ut talis *materia*, qualis est in his febribus, *excretio*, fiat *per*, & *ad*, superficiem, seu *extremas* partes corporis; & hoc propter uno plures respectus: Non tam æquè *physicos*, quàm inprimis *finales*. Nam, licet utique quantumcunque *subtilis* materia, tam in humoribus & universo corporis latifundio *oberrare* atque differri possit, quàm ut per superficiem corporis, in *balitum* resoluta, iterum ex eo abigatur: Certè tamen *finalis* illa ratio, quod corpus nequaquam debeat *destrui* quamdiu *possit servari*, exigit hoc & impellit, ne illud, quod aliis *physicis* respectibus & modis utique posset manere, actu toleretur ut maneat. Similiter, quamvis nulla necessitas ipsius *materia* hoc inferat, ut illa, quocunque progressu (citra plane peculiare *directiones* motuum secundum *gradus, progressus, & meatus*, seu *loca*) præcisè ad illud emunctorium ferretur, ubi *commodissima* & *balitiosa* excretionis forma dissipari possit: Suadet hoc tamen certe, ut ita agatur, eo dirigatur, & convenientibus successibus propellatur, eadem *finalis ratio*, ut utique *eliminetur*, QUIA noxia atque deleteria sit, si hic actus non exerceatur & administretur.

(Unde etiam, quod hæc res minime necessario fiat, ut non possit non fieri, sed possit quàm maxime non fieri, nimium quam luculentum exemplum præbent atque testimonium perhibent numerosi talium febrium eventus funesti; quando nempe hic progressus vel planè *non* sit, vel non satis *ordinate*, non satis *tempestive*: aut in processu suo temerè iterum *turbatur*: quod ipsum etiam cum ita mirè facillimè & propemodum frivole fieri possit, est utique ingens statim documentum, quam inanis habenda sit illa totius *materialis tendentia* energia.) Ita tanto magis *rationi* conveniens est hæc ad illa loca corporis *emotio*, quoniam hæc *materia* non solum per nullam aliam viam utiliter *excerni* potest; sed etiam sub sui excretionem, in nulla alia parte corporis, cum *minore*, imò vero sine *summo*, periculo, qualemcunque notabilem moram trahere, quam in hoc uno. Ut taceamus, quod etiam per hunc talem locum longè latius dissipari, & ab illa *unita vi agendi* activitate majore, ita plurimum impediri possit: quin etiam ita sigillatim *distracta*, atque late *expansa*, reverà propriam excretionis sui speciem, nempe *exhalationem*, unice hîc rectè assequi.

XXI.

Sane vero locutio illa, quam Veteres perpetuo in ore habent, amandationis atque propulsione noxiarum materiarum ad *Ignobiliores* partes, immensum quantum plus habet veritatis, quam recentiores illæ muscipulæ, *exquisitissima figura pororum* ad captandas *specificas materias*, in SOLIS talibus partibus, & nusquam alibi, efformatorum. Quemadmodum enim ingenio-
sa

sa hæc videri posset, & planè mechanica, excogitatio, si hæres simpliciter ita, & *non aliter*, fierent; imò solum hæc quidem ratione longè *facillime*, (nedum ut verus ille indomitus nifus inde colligi possit) *alia* verò, aut plane *contraria*, reverà difficillimè procederent, ita reverà oppositum plane nomen meretur, quando notissimum illud agnoscitur; quod hæc ipsa talis *emotio* non solum sic satis *difficulter* succedat; sed etiam in medio placidissimo sui successu atque progressu, longè *facilius*, & multis quidem modis, *perverti*, imo in *contrarium* converti possit, quam solum in *justo suo processu conservari*, nedum *promoveri*. Ubi supervacuum fuerit monere, quod ex hac re *indifferens* ille habitus, ut ad quaslibet *vias* atque *loca* materia talis pari promptitudine possit ruere, clare dilucescat.

XXII.

Jam cum experientia testetur, *materiam* hanc quæ his febribus pro fomite inservit, si in *internis* tenerioribus corporis partibus radices agat, inevitabilem illis *corruptionem* inducere, & nominatim quidem non *inflammatoriam* solum *acrem* sed plane ad *sphacelum* ruentem: Nihil utique rationi magis consentaneum est, quam hujusmodi *materiam*, ab illis partibus *depellere*, & ad illa loca *ejicere*, quorum tum firmiori texturæ minus promptam noxam inducere valeat: tum, si quid omninò etiam tale eveniat, damnum quod inde nascitur ad ipsam summam negotii *Vitalis* sit nimio levius, quam in illis *visceribus*.

XXIII.

Similiter autem ipsi utique maxime *rationi* simpliciter consentaneum est, ut *materia*, quæ corpori insigne periculum minatur, secundum proportionem *activita-*
tis

tis suæ, etiam satis *maturè* ex illo proscribatur. Sicut enim neque secundum *materiæ* conditionem, neque secundum *finis* rationem, actiones suas instituere, vere atque proprie à *ratione* alienum est : Ita huic certe unice quadrat, imò convenit, *actionum mensuram* atque *modum*, secundum illa subjecta & objecta instruere, iisq; vere exæquare. Ex hoc maximè fundamento, respondet utique sanæ *rationi*, ut *malignarum* febrium, valde malignæ efficaciz *materiam* fortitarum, etiam tota periodus sit satis *brevis*. Id est, ut *expugnatio*, *expulsio*, *extrusio* huiusmodi *materiæ*, tam promptis successibus adornetur & absolvatur, ut toto loco suo mota, è toto inquam corpore proscripta sit, priusquam satis temporis nanciscatur, ad pessimos sui effectus veluti quietè exercendos.

XXIV.

Quo nempe intuitu facilè utique intelligi potest, quamobrem hisce Febribus *acuta* periodus quasi propria sit. Ubi certè meritò iterum breviter taxare justum & æquum est, phantasias illas, quæ universum Febrilium commotionum apparatus directæ efficaciz ipsius *morbide materiæ* adscribere laborant. Infelicitè certè uni eidemque principio, & quidem simpliciter *materialiter* agentiatque habenti, ita plane contrarios eventus assignantes, ut intra unam eandemq; temporis periodum, aut certe proximè parem, alibi *salutariter* è corpore erumpat : alibi in eodem resistans, *vitam*, *spiritus vitales*, imò totam illam *œconomiam animale*m, ut *ens activum* *seorsim subsistens*, *mechanicè* obruat, opprimat, existinguat, & gravissimo præponderandi antisacmate tam profundè deprimat. Cum enim contra omnem peritiam *Patologia Clinica* hoc sit, quod *ulla*, nedum *omnes*, *malignæ* febres vera

ra stricte dicta *Crisi* corpore diffugiant; sed potius veris ordinatis *successibus* demum hujusmodi exitum prosequantur: sub quibus interim, inprimis circa illa *pathetica* febris consecutaria, *inquietudinem*, *vigilias*, *anxietates*, *impatientiam*, *inappetentiam*, *sitim*: tum etiã circa *physico-mechanicas*, seu potius *organicas*, *commotiones*, *pulsus* inprimis atq; *toni*, tum etiam *excretionum*, non tam simpliciter *successivarum*, quam passim etiam in certas periodos *distributarum*, etiam sub *salutari* successu, tota Febris nulla proportionem imminuatur aut decrescat, sed ipsis demum *periodi terminis*, liberaliter in *euphoriam* optatam procedat: Ab omni certe ratione alienum esse debet, quod etiam *male* imo *funestè* cedens hoc negotium, *ventilationibus* suis debitis destitutum, non adeo maximopere *citius*, nec *impetuosius*, pessimum suum eventum absolvat. Quod tamen ipsum minimè simpliciter ita fieri, vel innumera exempla testantur. Dum uni exemplo, ubi, præcipiti veluti ruina, intra *paucissimos dies*, hujusmodi Febres in ipsam mortem terminantur (sub patientium aliquorum magna *pletborâ*, immediate prægressis sanguinis gravibus *commotionibus*: conjunctis *animi indomitis* perturbationibus: *Medicamentis alexipharmacis*, *camphoratis*, *myrrbatis*, *valde calidis*: *regiminibus* immaturis & immoderatis: Et contrà, patientium intemperante obsequio, *refrigerationibus*, *frigidis* potibus, aut si hæc denegentur, *iracundis indignationibus*: aut *vomitoriis*, *venesectionibus*, *purgationibus*, *clysteribus*, *opiatis*, intempestive & intemperanter adhibitis: quin etiam peculiari *cacochymia*, aut planè *viscerum* integritate graviter læsa, &c. manifestius implicitis & cooperantibus:) facile numerosa alia ad latus poni possunt, ubi non solum *pari*, ut in rebus *salutari-*

ter terminandis, sed etiam longè *maiore* cum impetu symptomatum, febres ejusmodi, etiam omninò ad *mor-*
tem tandem exeuntes, tamen *diutius* ita regnent, quam
alibi ipsæ ad *salutarem* eventum pertingentes: & hoc
quàm maxime, si nullis *artificiis*, nec aliis quibuscunque
ante dictis vitiis, gravius exasperentur. Nempe resisten-
te utique etiam ibi adhuc, quamdiu ulla usquam spes su-
perest, *Nature activitate*, neque quidquam intentatum
relinquente, si superare adhuc detur morbidæ materiæ
energiam, illamque proscribere & exterminare.

XXV.

Neque vero magis à sana *ratione* usquam abeunt
duæ illæ insignes circumstantiæ, quæ plerisque harum fe-
brium planè communes sunt. Nempe, *primo*, valde *le-*
nis commovendi methodus, in genere. Secundo, *interna-*
rum secretionum & excretionum interim veluti *suspensio*, seu
retentio notabilis. Quibus rebus, tertio, non immerito
annumeratur, peculiaris (sub rebus etiam quantumque
prosperè procedentibus,) *animi ambiguitas, pusillanimitas,*
imò vagà *anxietas*, perpetua *vigilantia*, & omnis securæ
quietis absentia. Ut de *inappetentia*, in primis carniū;
sapidorum autem, atque *potuum* longè majore appetitu,
nihil prolixius allegemus.

XXVI.

Certè enim, quod primum attinet, *vebementes* quæ-
libet *commotiones*, & in primis *crassarum excretionum* appa-
ratus, alienissimæ essent pro tali materia, quæ, *balituo* &
tenuitatis, dispari expulsionis generi nequaquam obedi-
re potest. Unde, cum *exhalatio* per sudationem, *vaporo-*
sam potius, quam simpliciter *fluidam*, nullas usquam ve-
hementes agitationes, neque *locales*, nec *intestinas*, san-
gui-

guinis postulet; nedum et *Vomitoris, Catharticis, diureticis* diæctis, *hæmorrhagicis* (præsertim specialibus, ad unum singulare emunctorium directis,) excretionibus, compensari valeret: Non potest propterea ulla alia mensura *commotionis* hic locum invenire, nisi sola talis, quæ *assidue* quidem paulò auctiori secretioni, quantocyùs fieri potest, quadrare possit: nulli autem alii scopo æque satisfacere necesse habeat.

XXVII.

Hujusmodi autem est utique illa harum febrium, sibi constantium, & non *per accidens* depravatarum, constitutio, *commotionis* localis & intestinæ sanguinis, admodum *moderata* atque *tranquilla*: Cujus intuitu hujusmodi febribus affecti, & ab *accidentalibus* perturbationibus immunes, neque *calorem* vehementem sentiunt, neque *pulsus* valde vehementem exagitationem offerunt, neque *capitis* doloribus admodum cruciantur, nec aliarum etiam partium eximios dolores usquam accusant, (nisi quidem *inflammatio* aliqua subsit, sed ad febrem quæ talem, & verum illius genium, nullo jure referenda; tam parum, quam *malignitas inflammationis* cum *malignitate febris* confundenda:) Sed potius *frequentiam* atque *celeritatem* *pulsus*, *parvitate* ejusdem ita compensant, ut inde vulgaris acceptio locum invenerit, quod *malignarum febrium pulsus*, tanquam essentiali quadam sui ratione, sit *debilior*.

XXIX.

Quod autem in plerisque *malignis*, certe vero in directè *exanthematicis*, in multis subjectis *alvus* retineatur; inprimis circâ tempus peragendæ *exclusionis* *exanthematum*: hoc ipsum certe etiam *Rationi* tam

consentaneum, quam quidquam usquam aliud, apparet. Sicut enim *retentio* materiæ illius exanthematicæ quolibet intuitu periculosa est; imò hoc eodem omnino respectu, meritò vel ipse liber aditus atque com-meatus patulus hujus materiæ ad intimiores corporis teneras *vitales* partes, periculo non plane vacare, facile intelligi potest: cum utique notissimum existat, quantum summi periculi, imo sic satis familiariter irreparabilis damni, incumbat illis, qui in hujusmodi febribus largiorem conversionem materiæ hujus malignæ ad *interiora* experiuntur; & quomodo hinc, tanquam ordinarie, excretionum *alvinarum* impetus cooriatur: Ita has *excretiones copiosiores per interiora*, potius suppressi, generatim *oppositorum opposita ratione*, præferendum apparet: ex consideratione vero prudente, tantò facilius agnoscitur, quod *seclusio* largioris aditus humorum ab interioribus partibus, commodè interviat eorundem uberiori secessioni ad *exteriora* loca, in hujusmodi febribus unice securiori atque optabili.

XXIX.

Ubi interim neminem prudentem æstimatorem *indolis humanæ* turbare poterit, quod satis magno numero occurrant exempla subjectorum, exanthematicis febribus affectorum, quæ hujusmodi *constipationem alvi* non experiantur, sed naturali ejus successu nihil imminuto, decursum universum suæ periodi securè absolvant. Sicut enim hujusmodi constitutio ordinariè conjuncta est cum reliquo totius talis affectus decursu satis prospero, imò facili; & prætereà generalius indolem sectatur quam maxime *vegetam*, aut ad minimum *ordinatam* atque *tranquillam*: ita quilibet certè satis intel-
ligen-

ligentes rerum talium, hujusmodi quidem subjecta separabunt ab aliis, ingenio magis *sollicito, meticoloso* atque *diffidente*, interim tamen rebus suis utique *intento*, instructis. Tanto magis autem distinguunt ab utrisque talibus, tertii commatis indolem, sive *impatiente* *turbulentam*, sive à *trepidatione* facile in *anxias* perturbaciones, & fluctuantes, imò præ consilii angustia, in præposteros conatus imminentem. Ubi nempe plurimum certè refert, ut ea, quæ affectui ipsi manifestius competunt ac debentur, à reliquo *individualium* circumstantiarum *accidentali* flexu, secernantur: utpote qualis sæpe numero vel postulare, vel tolerare, aliquid tale potest, quod in diverso genio, inprimis sensibiliore aut trepidiore, ingentes turbas concitare, & gravibus periculis, imò damnis, ansam præbere possit,

XXX.

Nequè verò placet prolixè insistere illi considerationi, quam pulchrè cum sana *Ratione* conveniat, vera etiam *inappetentia*, quamvis aliis quoque Febribus passim usitata, tamen *malignis* communiter exquisitissime addicta. Imò etiam *sitis*, in aliis quidem variis febribus varià proportionem, ferè semper tamen *insigni* conspicua; in *malignis* autem, satis sæpe non equidem absens, sed tamen, directè ab his febribus, non admodum *intemperans*. Sicut enim ab ipsa etiam *Ratione* desumptum videtur illud antiquum: *Corpus impurum quò plus nutriveris, eo magis laeseris*: Ita non absolum certè ab eadem haberi debet, si res ita damno quam usui propior, ipsius Naturæ *fastidio* potius notetur, quam ut inconveniente, secundum has circumstantias, appetitu, probari videretur. Diverſa res est

circà ipsum Potum ; ubi *dilutio* non solum in genere omnibus secretionibus è latifundio humorum, quàm maxime conducit ; sed etiam, *per individua*, tantò magis passim necessaria haberi debet, quantò plus fortè *spissitudinis* in aliquo individuo sanguini incumbit. Interim, cum in *malignis*, non tam crassa quadam *copia* peccantes substantiæ secernendæ veniant ; nec etiam tota febrilis commotio, quatenus *calorem* parere potest, in his febribus sit tanta, ut insignem considerationem mereatur : ingentem, inquam, transpirationem, uberiore *humectatione* resarciendam, non introducat : Respondet proinde etiam hæc talis *sicis*, sensibilis quidem, sed tamen moderata, *Rationi* hujusmodi proportionis *causalis* satis *commode* : imò passim etiam per individuales diversitates magis exquisitè. Plura vero in hanc rem jam pridem dicta sunt à D. D. Præsidente, *Programmate de Abstinencia ciborum, in primis carnum, in morbis, præsertim acutis.*

XXXI.

Neque verò, porrò, dissētit à Ratione sibi optime constante, methodus secretionis & excretionis, *successiva* quidem potius, cum *præcipiti simultanea* nusquam in talibus pateat locus ; interim *assidua* tamen, & communissime omnium, non tam secundum usitatam medicam acceptionem nominis, *continua*, quam magis *continens*, quanto *malignior* est febris genius. Sicut enim à sana *Ratione* alienum foret, vel simul & semel, brevi & præcipiti quocunque tentamine aggredi, quod latè & tenuiter in humoribus *disseminatum* hæreat & vage-tur ; dum ex adverso, proportionata tandem prosecutio, & satisfacere potest universæ intentioni, & magis etiam

iam eidem quadrat; Ita respondet, ad eandem omnino amussim, ipsum hoc alterum cœptum, dum non solum nihil interrupta, sed etiam penitus *assidua* prosecutione, omnino insistitur negotio, quod nihilo magis negligenter agi debet, quam præcipitanter aut violenter peragi non potest.

XXXII.

Sicut autem hæc non facile in dubium vocatum iri confido in genere; ita loquitur veluti pro se ipso eventus ille *Erysipelaceo-apostematodes*, qui in *morbillis & variolis* se exserit. Cum enim hujusmodi *materia*, si circa *interiora* retinetur, ibique pessimam illam suam *corruptivam* efficaciam absolvere valeret, irreparabilia utique damna datura esset; quæ hac ratione sola utique evitantur, dum ab interioribus ad exteriora repellitur, tonicis directionibus: Ita hoc ipsum tamen etiam *successibus* potius peragi, cum præcipiti *impetu* fieri non possit, ejusdem utique est solius sanæ Rationis consilio atque destinationi consentaneum. Cum enim à Naturæ potestate alienum utique sit, materias has intus in corpore *corrigere* atque *subigere*; neque quidquam adeo aliud remaneat, præter solum consilium easdem *emovendi*: uti tandem ex universo corpore, ita primum omnium præcipuè à *nobilioribus* partibus: Ita suscipi hoc negotium, *ordinatis* omnino ejusmodi, quales scopo directè quadrant, *successibus & motuum moderamine*, est utique hoc ipsum, de quo sermonem habemus, *Rationis* æstimationi respondens agendi inventum. Cui omnino vel contrariantur necesse est, vel ad minimum minimè respondeant, quæcunque cœpta, aliam aut oppositam viam directè insistentia.

XXXIII.

XXXIII.

Hactenus de *Ratione*, & ejus convenientia cum hac febrilium excretionum *methodo*. Quod jam iterum ad *Experientiam* attinet, certum hoc utique est & undique constans, quod, quibus patientibus in hujusmodi febribus res suæ ita, uti dictum est, succedunt, illis optime exeat universus affectus; quibus autem contrario modo res procedunt, illis etiam planè adverso eventum totum febris stadium funestè cedat. Sicut autem hic talis successus & eventus, ipsi utique sibi relictæ & constanti Naturæ, dictis modis certò obtingit; ita non abit usquam ab hac semita etiam usitatissima *Experientia artificialis*; nempe secundum arbitrarias etiam *artis* methodos agendi intentio aut qualiscunque inventio: de qua itaque restat dicere, quod tam ipsi veritati, quam scopo Dissertationis nostræ conveniat.

XXIV.

Duæ sunt generatim viæ, quibus curationem morborum adire liceat; una per simplicem atque directam *Empiriam*: altera per *methodicam* administrationem. Illa nititur *Experientia* ita nuda, & strictissimo sensu dicta atque sumpta, ut nullam veram & realem *intellectus* applicationem secundum qualescunque causas admittat, & potius ad ineptias damnet nimis audacem in hoc genere curiositatem: adeò certè, ut longè rarissimè simplicissimæ solum generalissimæ opinioni, ulla verisimilitudo relinquatur, irrita in solidum omni spe ad ullam *specialiorum proportionum* perceptionem perveniendi. Altera ex adverso, verè *methodica* curandi ratio, innititur utique *rationi*, sic satis perceptibilibus *proportionibus*, tam *morbide causarum* morbidarum, quam *medicæ*, materiarum medicæ-

farum: *energia*: E quarum rerum mutuis occurfibus, per artem ita prudenter instruendis, demum fecundum fanæ *rationis* dictamen utique exoptatus effectus, corpori falutaris, morbo vero fatalis, juſto ordine, & penitus *intelligibili*, (ad minimum in genere) ſi non agendi, tamen fiendi *ratione*, inde reſultet. Quo inquam intuitu *Methodicum*, veræ & incorruptæ *Experientiæ* reſpondens, neceſſariò ſimul eſt *Rationi* conſentaneum, adeoque etiam ad juſtam *artificioſam* adornationem atque *gubernationem* tanto propius diſpoſitum.

XXXV.

Sicut autem jam ſuprà mentem noſtram ex bona, parte aperuimus de *Empiria*, verâ, & nomine ſuo digna, in negotio febrium malignarum; ita quicquid etiam ejus ſit, in noſtro utique præſente propoſito illi quoquo modo immorari, eſſet contra univerſam noſtram intentionem; utpote quæ ſimpliciter ad *Methodicam* tractandi rationem, ejusque commendationem reſpicit. De hac itaque iterum aſſeveramus, & ſummo quidem ſuo jure meritoque, quod illa, *artificialis* inquam *methodica* tractatio, *ſpontanea* tamen ſuperſtructa, ſit in primis illa ipſa, *Rationi*, æque ac *Experientiæ* conſona. De *Ratione* poſſemus ſuperſedere prolixè agere hoc denuo loco, neque certe aliter in animo habemus, nempè poſitivè etiam *artificialem methodum*, & *moderatè*, & per *diapnoſin* potius, quam per alia quæcunque evacuationum genera rem gerere, *Rationi* conformem eſſe, denuo non ſtabiliemus. Interim, cum *Medicæ* noſtræ rei ea hodie ſit facies, ut non tam ſimpliciter poſitivè, quid conveniat, ſed etiam *privativè*, quid non conveniat, ſtabilire paſſim expediat, placet in hoc etiam genere ad minimum illud monere, quod di-

versa methodi, ad summam morbi, tam contra *Rationem*, quam ipsam *Experientiam* impingant. Ita enim *materiam*, quæ *balitus* consistentia gaudet, *crassis* quibusdam commovendi & evacuandi methodis aggredi: & quæ *late* in humores *tenuiter expansa* & disseminata sit, illam *unâ* aliquâ *particulari* evacuatione subducere velle: & quidem, cum *activitas* hujus materiæ ingens omninò existat, *brevi* nempe tempore, nisi mature subtrahatur, maxima damna perpetrare apta; per hujusmodi *particularem* locum æque ac evacuationis speciem, depulsionem hujusmodi materiæ absolvere velle, irritum omninò existit.

XXXVII.

Ubi maximo certe jure monere convenit, ut in rerum quantumlibet optimarum justa æstimatione confusio evitetur, eoque ipso simul veræ bonitati rerum splendor suus afferatur. Est *experimentum*, sed sane *methodicum*, Excellentissimi Medici, quo ille, sed cum debita prudentia, utitur, in *Variolis & Morbillis*, ut *alternis diebus*, *lene*, sed *peculiare*, *laxativum* remedium, una cum *vomitivo*, exhibeat; idque ita iteratis etiam vicibus per decursum totius morbi repetat. Sicut enim nec in genere, hanc rem prolixius persequi æque placet, sed suo potius auctorie eandem cum tempore publicæ luci vindicandam, relinquere; Ita in specie tamen breviter sub indicare sufficiet, quantum nobis adhuc innotescit, quod 1.) hæc *methodus*, non tam *omnibus* malignarum speciebus destinetur, quam præcipue *variolis & morbillis*; 2.) quod non tam ipsum affectum seu morbum universum sive *præoccupet*, sive auferat; dum ille tam *excretiones* suas, quam solitam reliquam *periodum* exsequi minimè cessat: sed *symptomata* solùm ejus *accidentalia*, nimium copiosum.

efflo-

efflorescentia proventum, adeoque auctiorem nimio *inflammationem*, & ambiguae *retrocessionis* eventum, ita præoccupando, mitissimum illum, & quasi vere sibi relictum, efficiat atque servet: 3.) idque non tam ulla alia ratione, quam proventus *bilioso-acris* saburræ, tanquam *fomitis* acerbiorum symptomatum præ occupatione. Ubi 4.) nimio plus situm est in illis *Laxantibus*, quæ hujus methodi Patronus in usum hic trahit, *Manna*, aut *Cassia*; materiis *fermentescentiam* blandam sanguini conciliantibus: ubi, si quis in animum induxerit, tanquam simplicem & directum scopum *laxativum*, quantumcunque *acribus stimulantibus*, magis simpliciter & directe *purgantibus*, supplere, illi merito commendanda erit vera observandi *angstissa*, quam *salutares* in *febris acutis*, imò *malignis*, esse possint *Diarrhoea*: ad justam omnino *imitationem* debitæ observationis potius, quam opinionis, de altero medicamento, quod inauspicato creditum est, *Febres acutas* crasso & rudi effectum *laxatorio* cicurare: cum duæ specialissimæ circumstantiæ, primo exquisitæ *aciditatis* ab *oleo vitrioli*, secundo necessitas conjungendi *largissimi potus*: (ne quid de tertia, si non in genere, tamen in specie admodum heteroclitorum eventum, circumstantia prolixius dicamus) bene aliam crucem figant temerariæ imitationi hujusmodi medicamenti, per deceptam opinionem solius *catbartice* efficaciam nomine noti, & hac directa efficacia utilis reputati.

XXXVIII.

Unde potius iterum nostro utique tramiti insistentes, asserimus ipsi sanæ Rationi contrarios esse tales ausus, qui verè ipsam *materiam* talium affectuum fomitem, per alia loca directe & ex instituto ducere sibi

sumunt. Nedom qui tale quiddam adhuc insuper non solum *promiscue* quolibet morbi *tempore*, sed planè in ipsis mediis apparatus, quin *motibus* ejusmodi materiæ, contrariis, convenientioribus, aggredi non verentur. Unde quidem nihil certius neque citius reportant, nisi talem, non solum funestam, sed etiam præcipitem, communissimè vero prorsus irreparabilem, catastrophem. Quod præterea etiam in periculum non admodum dispar vergit, si vel maxime convenientiores excretionis *via* servantur, pro artificialis prosecutionis scopo; interim neglecta *opportunitate* Rationi etiam conformi, *impulsus* solum ad illam *viam præpostere*, alieno *tempore* atque *Ordine*, suscipiatur: Quo certe errore haud multo minus periculi passim conciliatur, quam si quælibet alia præposterâ *via* tentata fuisset. Interim hujus ipsius etiam rei ad minimum generalis ratio, non deest, quamobrem indigestam adhuc materiam *simul & semel* exagitare; imò verò potius *exagitationem* totam nimiam & importunam concitare, non possit nisi heteroclitum eventum post se trahere.

XXXIX.

Ita nempe confirmat hoc utique indies etiam Experientia; de *artificialibus* inquam hujusmodi practicis ausibus. Quando verè *malignis*, *contagiosis*, tantò magis autem *exanthematicis*, *acutis* febribus, dum in genere fortiora *Cathartica*, aut *calidiora* dicta *Alexipharmaca*, aut *Regimina* coacta, æstuosa, & sudorifica, adhibentur; tum in specie, quando tale quid *alieno tempore*, tum *paroxysmorum* qualiumcunque, tum *totius periodi*, suscipiuntur. Ubi quidem de *Variolis & morbil-*

is jam propemodum paulò notior evadit ipsius vulgi observatio, quod *prematura*, & inprimis coactæ magis *anxia* dispositiones ad *sudores*, ad promovendam exclusionem (cum optima atque saluberrima, etiam locuples atque copiosa, horum exanthematum eruptio, sibi maximè constans æque, ac relicta, minimè *sudorem* comitem habeat) res patientis perpetuò magis turbent, atque periculo, imò funesto exitui propius admoveant. Interim etiam in *Erysipelaceo-catarrhalibus*, uti satis frequentia & familiaria occurrunt exempla, ita tandem etiam monitos mortales spes est huic rei animum propius intensuros esse, & falsas, imò vel data opera fictas & mendaces, postrem funestè gestam, larvationes, hujusmodi temerariorum ausuum, de testaturos.

X L.

Huic autem perversæ viæ contraria utique est illa, quæ *Natura* ipsi, tam *matariarum* quam *motuum proportionatorum*, insilens, illa potius agit, quæ agenda, & ipsa *Ratio* confirmat, & *acta*, salutaris exitus *Experientia* commendat. De qua, *Experientia* inquam salutaris exitus, qualem artificiales variæ methodi non tam polliceri, quam præstare, possint, placet adhuc semel suppeditare atque commendare, tanquam Lydium lapidem, *Postulata* illa, ante hos 14. annos à D. D. Præsidi in publicum proposita, schediasmate quod nomine *Problematum ad Historiam & Patbologiam febrium pertinentium* notare voluit; ubi nempe in ipso Præloquio hoc monet, ut cautè & omninò studiosè observetur, quidnam veri & constantis emolumenti experiantur patientes, quibuscunque, adeoque etiam malignis nostricensus, febribus affecti, quando hujusmodi methodorū quacunque tractantur,

„non dicam, quod, cum notorium sit, in quæstionem venire non potest, an simpliciter à toto morbo liberentur „sed, 1.) an *tolerabilius* inde habeant; decursum inquam utique morbi continuantem, saltem *leniorem* seu benigniorem experiantur? 2.) *citius* solum, & periculo, & toto morbo perfungantur? 3.) *velocius* inde, *alacrius* etiam „& *constantius*, ad plenam sanitatem revertantur? & „quidem 4.) magis ita atque melius una harum artificiosarum machinationum, quam altera? imò verò 5.) ulla „tali, inprimis autem quânam, magis, & certius quidem „atq; constantius? quàm alii nullis planè hujusmodi subfidiis usi, sed rem, quod ajunt, simpliciter Naturæ relinquendo, interim moderatâ continentia, & prudente „abstinentia, usi. Ubi tamen simul meritò etiam commendamus animi adversionem ad *negativas* harum „quæstionum observationes passim deprehendendas.

XL I.

E quibus considerationibus sicuti, quantum usquam necesse est, luculenter innotescere potest, quod aliæ *Methodi* *Experientiæ* suffragium nullatenus assequantur, sed sola illa potius, uti securissima, ita certissima fit, quæ tam *materiæ* ipsius indoli, quàm *oeconomiae vitalis* solitis *actionibus*, quam maxime, quadrat & consentit: ita vertitur utique in eo verus cardo totius negotii, ut etiam *Ars* hanc methodum scitè *sequi*, & *promovere* potius atque *juvare* intelligat, quam ullo modo vel *negligat*, vel aliis tentaminibus *supplere* satagat: Nèdum ut huic *contrariâ via* incedere audeat, & methodo *contraria* huic methodo obsistere. Quod ipsum nempe quotiescunque verè in effectum deducitur, nunquam

quam aliter cedit, quam ut non solum *funestum*, sed etiam *velocem* talem exitum fortiatur.

XLII.

Asseveramus itaque omni modo, quod etiam *artificialis* vera *metbodus*, *malignas* febres ad salutarem exitum rectè tractandi, consistat, I. in ejusmodi *commotionibus* atque *directionibus* *secretoriis* & *excretoriis*, quæ magis ad *peripheriam* corporis materiam morbidam adigant, quam ad quamcunque aliam excretionis speciem aut locum. II. In *moderamine* hujus directionis, *assiduo* quidem, sed tamen *moderato*: *brevis* quidē ambitus, sed tamen non præcipitis *impetus*. III. Observando æquè, atquè suis qualibuscunque actionibus servando atque sectando non tam *opportunitates* illas, quam veluti *momenta periodica exquisitiora*, quæ vulgo *critica* dicuntur: aut certè IV. sub horum ipsorum *mensura* nihil alienum audendo. Ubi etiam V. eo magis cavendum est, ne *antè* opportunum *tempus* etiam tales commotiones suscipiantur, quæ ceteroquin ipsa *specie* reliqua etiam utiles esse possent. Nedum VI. ut tale quid etiam *præpostere* suscipiatur, & novæ commotiones eo tempore instruantur, quo sibi magis relicta *Natura*, & non nisi placidè adjuta atque sublevata, jam deferbuit, ita verò denuo ad ferociorem commotionem exacerbata, tandem constantem errandi finem ipsâ morte faciat,

XLIII.

Præbent sanè hujus rei documentum constans & perpetuum, exemplo ubilibet inveniundo, *Variolæ* & *Morbilli*. Quales certè excretiones, uti minimè absolvuntur, nisi *constantiore* per aliquot dies alteratione motus sanguinis *secretorio-excretorii*, sensibilibiter auctiore: Ita si ta-

si tamen hujusmodi commotio per qualemcunque *artem, medicamentis aut regimine*, aut utroque, *justo velocius* incitetur, aut *ferocius* concitetur, non potest fieri, quin omnes harum rerum consilii multiplicibus exemplis commeminerint, imò adhuc indies animadvertant, fieri, ut vel plane *non erumpant* pustulæ debitæ; sed ingentibus anxietatibus & angustis prius opprimatur æger, quam ullum bonæ frugis successum experiatur: vel etiam erumpentes omnino pustulæ, tanto *impetu* procedant, ut nec ille benè cedat; sed uni è duobus malis imprimis subjaceat, nempe vel *nimis copioso* proventui: vel *instabili* exanthematum durationi, & *promptissima retro-* *cession*i; vel denique symptomatibus *suppurationis inflammatoriis* intolerandis. Ita etiam habet sese, adhuc magis sensibilibiter, præsentis apud nos constitutionis *Febris purpurata miliaris*; in qua certè quid possint qualitercunque intemperantiores *commotiones*, *intempestivæ incitationes*, *efflorescentiæ detentiones*, *retropulsiones*, imò à talibus objectis occasionibus etiam ipsæ *retro-* *cessiones* quasi spontaneæ, posset puto ipsa nostra urbs Halensis non exiguo numero exemplorum docere, non tam speculativa aut affectata *Theoria* perquirendorum, quam satis in vulgus notorum, & tali deinde solum excusatione involvendorum &c.

XLIV.

Imò verò, confidimus & pro certo omnino habemus, fore, ut magis magisque ad plenum intellectum, imò verò usum, traducatur, monitum illud Medici, qui primus in hac materia non solum ineptire desiit, sed etiam solenniter hoc toti scholæ Medicæ commendavit, *Sydenhamii*. Qui nempe, in *Variolis* imprimis, & *Morbilis*,
lis,

lis, maximo opere commendat τὸ ἐπέχειν, *abstinere ab artificiois*: non quidem simpliciter & absolute pertinaciter *planè nihil* agendo; sed ad minimum nihil *turbando*, imò verò prudentissimo consilio *praoccupando*, ne quid *intempestiva* patientium aut concurrentium satagendi sollicitudine, incommodè perpetretur. Quæ certe circumspectio, tantundem valet, *privativo* juxta scholarum idioma, usu, quàm *positiva*, ubi locum habet, subveniendi industria. XLV.

Hoc utique intuitu rectè & ordine colligi & concludi potest, triplex totius nostræ propositæ considerationis stabilimentum. I. Quid rectissime in substrata nostra materia, Februm inquam malignarum salutarî tractatione, *fiat*? II. Quid circa eandem feliciter obtinendam & in constantem effectum deducendam, rectè atque salutariter *faciendum* sit, *artis destinatione atque directione*? III. Quid utrisque modis, sponte aut arte *perperam*, & insalubri ausu ac eventu, agitetur? Quod primum concernit, egimus de eo, ut puto, satis prolixè; asseverando, quod in Naturæ sibi relictæ, & commodè procedentis, ordine, malignarum februm decursus absolvantur. 1.) *assiduus* quidem, sed 2.) *moderatis atque lenibus humorum commotionibus*: 3.) sufficientibus interim ad *excretiones periphericas*; sive simpliciter *diapnoicas*; sive *exanthematicas*: 4.) specialissimè verò peculiari *mensura periodica septenaria* superstructas: qualem in fatalibus veluti *momentis* turbari, inauspicatum, imò funestum sit. 5.) Si verò hæc actio commodè succedat, non solum certa, sed etiam prompta, atque plena, salus atque sanitas alacriter revertatur.

XLVI.

Secundò, quod *Ars* antè omnia, ut in genere, huic

F

spon-

spontaneæ Naturæ methodo subservire debeat: in specie vero hunc suum scopum aliter assequi non possit, quam sequentibus Methodis, 1.) Nihil ultra debitam Naturæ (*materia, & idoneorum motuum,*) indolem, exemplum, & imitationem. 2.) Eoque ipso abstinendo, tum in genere ab omnibus sanguinem *acrius commoventibus* medicamentis, sub nomine *Alexipharmaeorum*, atque *Diaphoreticorum* formulis, quæ simul energiam qualemcunque acriter *excalescentem* possideant: 3.) Imò, hoc ipso intuitu, vitando etiam ipsa *regimina* ab hac proportionem aliena 4.) Tantò magis autem, omittendo omnes *intempestivas*, secundum exquisitas *periodos, incitationes*; observando verò potius *inclinationes spontaneas*, easque promovendo magis, quam ullo modo turbando. 5.) Hoc ipso verò respectu, evitando omnia medicamenta *incerta*, nedum ipso facto *ambigua* seu *incipitis*, efficaciam: 6.) Usurpando verò, vel plane nulla strictè dicta medicamenta; sed soli esculentorum quidem abstinentiæ, potulentorum autem ut diluentium, usui modesto magis indulgendo: 7.) vel talia medicamenta usurpando, quæ antedictis scopis secundum Rationem & Experientiam potius satisfacere, quam illos quoquo modo labefactare possint.

XLVII.

Cujusmodi sunt *Absorbentia* cum *Antimonio diaphoretica* & *Nitro*; *Absorbentia* Aceto, aut Acetositate citri saturata, & inprimis liquamen horum: *Nitrum*, pro re nata, etiam largius, sed tamen successivè, usurpatum: *Acida* NB. inprimis pro maribus adultis, ad exquisitū saporem tolerabilem tamen, usurpata; ubi etiam *Mixtura simplex* non contemnendi est usus: tandem *Alexipharma* temperanter interposita: magis tamen *repetitis parvis* quam simultaneis *largioribus*, dosibus: quorsum etiam *regimina* spectant, providè instruenda, ut ne quid

præproperè, aut nimis, fiat. Ubi tamen, in tenerioribus inprimis atque sensibilibus, etiam ipsæ Aqua diapnoicæ, Scordii, Scabiosæ, Cardui benedicti, Plantaginis, Florum Sambuci, Florum Tiliæ &c. (abstinendo ab Aqua Fumariæ in exanthematicis æq; ac aliis,) non con emnendi sunt usus, inprimis in infantibus. 8) Possunt etiam in usum trahi Analeptica; modo caveatur abusus acriorum aromaticorum, sed potius insistatur temperatis: minimè interim metuendo gratum saporem sufficiente Saccharo aut Syrupis conciliandum; nec etiam, exceptis solis Variolis, Acidorum usum, alterandi scopo: nisi quidem plane individualis aversio aliquid prohibere videatur. Interim non sola Acida mineralia hic in considerationem venire debent, sed est ad hos usus minime certe contemnenda Acetositas Citri: sicut hæc eadem, Oculis canceri saturata ad amissionem omnis saporis, etiam alterandi energiam exhibebit majorem, quam imperitus crediderit, inprimis ubi pectoris aliqua oppletio aut tussis, concurrat. 9) Si denique periodum suam febris explevit, & meliorem jam euphoriam patiens præ sese fert, præstat tamen per aliquot adhuc dies caute sese gerere, circa ærem liberum, & qualescunque refrigerationes; quin etiam circa appetitum revertentem, ne quid nimis simul & semel fiat: E medicamentis autem, temperatam aliquam Tincturam aut Essentiam alexipharmaco-diapnoicam, refractis dosibus continuare, donec sanguinis plenaria depuratio absoluta, & commotio ejus sincere iterum in tranquillitatem redacta sit.

XLVIII.

Summo vero jure meritoque notanda etiam venit atque, tertio loco, inculcanda cautio, ne quid vel sponte patientis, vel opinione artis malè fundata, perperam & insalubribus ausibus, tam reliquo instituto, quam mediis

heteroclitis, perpetretur. Quam ipsam etiam rem complectemur aliquot positionibus. Cavendum nempe est 1) ne malignis febribus adhibeantur *fortes commotiones sanguinis*, per *Regimina* valdè coacta, cum *concoctione* insigni corporis; ad sudandum destinata; sed *turgescientiam* solum sanguinis intempestivam, & *animi* simul perturbationem impatientem & anxiam, certius introducentia: vero interim genio, tam *materie*, quam proportionati *motus* pro illa, inidonea, imo ad *turbandum* potius & pervertendum *proportionatos* successus, aptiora. 2) Cavendum, ne par inconditus effectus introducatur per *Medicamenta* nimium calida, aut sanguinem exagitantia *intestino* motu: aut *progressivum* ejus liberum motum alterare apta: in primis sub reliquo adhuc inaniore prætextu, efficaciam peculiariter *alexiteria*, nullo interim uno ad fidem promerendam idoneo exemplo aut experimento suffragante: Nedum ut sub tali artificiali insigniter alterata *formula*, talem efficaciam præstare valerent: quod de *spiritu cornu cervi*, sale volatili *viperarum*, *cornu cervi* quomodocunque calcinato, *unicornu fossili* dicto, *Terris sigillatis*, largioribus dosibus *Myrrhæ*, *Croci*, interno usu *Camphoræ* largiore, copiosiore *spiritu tartari* valde rubicundo, alexipharmaco homine celebratis simul sensibilibus *adstringentibus*, Radice *Tormentilla*, *Bistortæ*, imò ipsius *Contrayervæ* largius datis, &c. omni modo valet. Quibus etiam 3) jungenda venit circumspectio debita, in suscipienda *promotione eruptionis exanthematum*; ne quid vel ratione temporis vel ratione ipsius *activitatis*, inconditè suscipiatur: nempe vel prorsus *intempestive* atq; *premature* expulsionem urgendo: vel spontè abundè successuram inconsulta *exstimulatione* nimium exagitando: quæ certe intempestiva officianimifum quam sæpe pessimè consulunt toti negotio, & omnia in deterius

us conjiciunt. Quorsum nempe etiam 4) omnibus utique modis spectat, prudens atque perita observatio, tum sensibilibus *temporum periodicorum*, indicatoriorum & criticorum vulgo dictorum: tum *paroxysmorum* qualiumcunque in illis febribus hujus census, quæ tales præ se ferunt, cujusmodi in primis sunt *petechizantes*, quin etiam *purpuræ miliaris* feraces. Ubi etiam 5.) benè perpendendum venit, quid de *actuali sudorifero* regimine bonæ spei concipiendum esse possit; & an utique hæc *excretionis* forma, vero genio materiæ morbidæ & emotionis ejus, quadrare possit: & non potius *lenis transpiratio* satisfacere hic possit, & ad quaslibet harum febrilium ventilationum intentiones sufficere. Certe verò 6.) exemplis facile docere possemus, quam malè cedat patientibus, quando v. g. in *purpuræ miliaris maligna* febrili commotione ad eruptionem, tum *Regimina* insigniter æstuosa, & directè ad *sudorem* exturbandum instructa, tam *Medicamenta* acriter calida, & sanguinem valde turgescentia, temerè instituuntur & adhibentur. Sicuti profecto etiam in *Petechizantibus* hujusmodi coepta valde frequenter, imò po-
19
communiter, pessimè cessisse satis multis exemplis memini ego Præses: ubi ad minimum *multæ* admodum, & valde *coloratæ*, maculæ, non paucis exemplis autem etiam *Purpura* unà cum maculis, valde copiosè ita erupit, cum summe anxia oppletiva patientis *angustia*, æstu febris tali alias insolito, *capitis doloribus* præter solitum ferocibus, *mentis perturbationibus* citò invalescentibus, *incontinentia* hinc patientis jactabunda, *aphthis*, & *morte* maturè subsequente. Ubi nempe prudentissimè certe æstimanda & intelligenda venit intentio illa, quam vulgus in ore habet, *venenum à corde depellendi*: an vere tale quid possit aut debeat fieri: & quam ratione atque methodo obtinendum sit hoc propositum. Ubi profecto quilibet cordatus Practicus habebit, quod partim de fundamento traditionis curiosius perpendat, partim de experientiæ suffragio, vigili industria circumspiciat, *quænam medicamenta*, & *quousque*, vere præstare possint & exhibere effectum, qui de illis vulgò prædicatur, *alexiphar-*

macum : Ut certè in vera necessitate deinde habeat, cui ita insistere possit, ut conscientia suæ securus esse queat: quod certe cordatè ad animum revocari, omni modo meretur. 7.) *Venæsectionis* usum quamobrem in febribus malignis non probare possit, latius propria Dissert. deduxit D.D. Præses, rationibus imprimis innixus, quæ experientia constanti superstructæ sunt, quam vel recentissimis exemplis, si opus esset, statim confirmare in proclivi foret 8.) Ceterum, evitare utique etiam ipse patiens debet, inconditum circa *refrigerationes* & *jæctigationes* neglectum & incontinentiam. Sicut etiam internus *actu frigidorum* usus inprimis haustibus ingurgitatorum, potulentorum, utique nihil certius quam insignitè nocere potest: unde omnis incontinentia, quantum usquam fieri potest, evitari utique debet. 9.) Opiata an unquam in *acutis malignis* quoquo modo *necessaria* esse possint? an *sincerè utilia*? an etiam solum *secura*? an verò potius *damnis* conciliandis propior? & qualibus, levioribusne, an verò gravioribus etiam? relinquimus, imò vero commendamus cujuslibet Practici tam circumspectæ pensitationi, (*quænam symptomata, & quatenus, verè urgeant,*) quam sollicitæ observationi in ipsa experientia: ne *stuporibus, deliriis, totius typi* repentinis perturbationis, *angustiis & anxietatibus* internis, *sudationibus frigidis*, tanquam. Itipatoribus odiosissimis, *mors* introducatur. Sine *Opio*, tam vivere, & satis commode morbi decursum superare posse patientes tales; tum nihil usquam gravioribus aut deterioribus symptomatibus, etiam mori, multiplex omnino testatur experientia. Sicut, ex adverso, prudens & perite dexter usus *Nitri*, aliis convenientibus remediis fociati, certè omnis generis graviorum *exacerbationum* ferocia facile tantundem, imò verò *sincerius* atque penitius, detrahare potest, & nihilo etiam *segnius*, quam usquam *Opium*: *damna* vero, nisi plane stolido ab usu, certo nulla inferre: id quod ego Præses, non ab aliorum traditione, aut credulo auditu, sed jugi, numerosa, constanti, & certe nihil stupida aut improvida, experientia, assevero, & possem etiam ejus rei testes nominare Viros Medico

dicos Practicos, cum cura efficacium medicamentorum usui invigilantes; quos de tali, qualem ego laudo, *Nitri* usu, optantes audio, ut ulli alii medicamento *alexipharmaco*, *diapboretico*, & quocunque tandem modo ad quascunque *febres* vulgo laudari solito, par *certitudo*, *sinceritas*, & *securitas* efficaciae promissae, cum veritate asseri atque vindicari posset, & tam bona conscientia fides adhiberi, quam *Nitro* in quibuslibet febribus pro illis effectibus, quibus illud à me destinatur, decenter adhibito.

XLIX.

Ita demum confidimus satisfecisse proposito nostro, & monstrasse, quod vera *METHODUS*, *RATIONI* & *EXPERIENTIAE* conformis, *malignas febres recte tractandi*, consistat, in *tranquilla atque placida, excretionum*, inprimis sub *halitua* consistencia procedentium, *ordinata*, atque *tempestiva*, administratione, & quantum necessitas postulet, *promotione*: Abstinencia vero à *fortioribus*, *tempore* atque *modo* importunis, *exagitationibus*: A *Medicamentis* etiam, magis *Opinione*, quam vera *experta* efficacia notis, in re *periculosa*, *incipiti* & simul *brevi*, non temere incon-sulta fiducia celebrandis: ante omnia verò, nihil *præpostere*, tam *ratione loci* quam *temporis*, audendo, sed potius *opportunitates*, vero Naturæ ordini consentaneas, quovis modo observando, & si sponte non satis obsequantur, provocando, aut imitando. Ita enim demum, & non aliter, licet sperare optatum eventum, *salutarem*, pro huiusmodi *Febribus*; ante omnia in subjectis, quæ Medici consilium communissime implorant, *delicatis* atque *sensibilibus*. Ubi interim solertioribus, & veras observationes amantibus, commendamus, ut in subjectis *durioris atque robustioris* eoque ipso *constantioris* vitalis indolis, animum advertant ad *autocraticas* illas energias, quibus non solum febres tales, *etiam sine ullo externo adminiculo*, quantumcunque *artificio*, ad sanitatem revertuntur: sed quibus etiam, in ejusmodi subjectis, indies *alieniores* ausus qualiumcumque heteroclitorum artificiorum, ita *eluduntur*, aut contumaciter negliguntur, ut vel *heteroclitum*, vel planè *nullum* effectum edidisse, videantur; interim tamen *salutaris* progressus atque *successus* nihilominus non aliter
sequa-

Sequatur, aut certè non multò aliter, quam in aliis, ubi similes alaxiæ non intercesserunt. Ubi nempe, pro conclusione, adhuc semel commendamus, ut *duobus* illis cumprimis phænomenis animum diligenter applicent solertiores; primò, quid in hujusmodi febribus, magno numero exemplorum, fiat *sine ullis artificialibus subsidiis*. Secundò, quid ab artificiis qualibuscunque verè *melius* habeant ægri, quod non solum effatu dignum videri possit, sed reverà operæ prætium, & arti sinceram dignitatem facere, sine mendacio prædicari valeat. Ita enim demum confidimus fore, ut vana atque frivola fiducia, in nusquam fundatas traditiones remediorum variorum, tanquam experimentalibus celebratione contra ipsam experientiam temere decantatorum, eo moderationis deducatur, ut potius *Methodo*, ab ipso D E O Naturæ humanæ injunctæ, *invigilare, subvenire*, & quoquo modo *suppetias ferre*, in animum inducat Medicus, quam inanibus hujusmodi conceptibus atque spei, de *directa efficacia medicamentorum* ut experimentorum alienissimo loco atque tempora inter veras *necessitates* atque *brevissimas opportunitates*, indulgendo, operam ludere, & tam Scientiæ quam Conscientiæ, ante omnia vero Ægris auxilii egentibus, malè consulere. DEUS autem T. O. M. largiatur pro re tam seria, nobis aliisque, semper & promptum, & memorem ac omninò constantem, intellectum. S. D. G.

Rebus studendo, qui cupit impiger
 Adesse cunctis, ordine provehit
 Ad altiora, fit gradatim
 Doctior, & celebris manendo,
 Hoc applicando de video virum,
 Amice sua vis, qui bene passus es
 Casus *maiores*, dolores, ac maligna
 Tempora quæ tamen haud noxia,
 Sic dstitutus, cuilibet inclytus,
 Cura parentum, colligit ipsemet,
 Quid profit ordo, qua ratione
 Accipis emerita atque laudes;
 Hinc excolendo, dante Deo sacro
 Magrum talentum, pectore, distingas
 Oras videndo, non vacante
 Perplacido; venerandus est
 Et inde honores, qui tibi comperunt
 Recte mereris, credo que maximos;
 Notas dedisti mente alacri
 Nemine sic superante, dicam,
 Addens, supremus quod Deus, integram
 Te servet omni tempore Spitem,
 Tuo labori adsit benedictio:
 Esto beatus amore mundi

ERNESTUS AUGUSTUS FABEL,
 Advocat. Reg. Magdeb.